

ÅRSMELDING 2023



INNHALD

Kapittel 1: Melding frå Styret	
1.1 Førreord	6
1.2 Økonomi	8
1.3 Blestarbeid	9
1.4 Samfunnsengasjement	10
Vedlegg 1: 2023 i reine tal	12
Kapittel 2: Medlemmar	
2.1 Tal og utvikling	13
2.2 Utdeling av heidersmerke	14
2.3 Søknadar	16
Vedlegg 2: Lagsmerket vårt	15
Kapittel 3: Dansegruppene	
3.1. Leikarringen	17
3.2 BULder og brak	20
3.3 TrøBUL	21
3.4 Songdansgruppa	21
3.5 Søndansen	22
3.6 Myretrill	22
3.7 Framsyningsringen	23
Kapittel 4: Framsyningar	26
Kapittel 5: Tilskipingar	
5.1 Ymse tilskipingar	28
5.2 Hurra for 17. mai!	30
Kapittel 6: Turar	
6.1 Vågåtur	34
6.2 Landskappleiken	36
6.3 Bergenstur	39
Kapittel 7: Kappleik	
7.1. Landskappleiken	40
7.2 Lokale kappleikar	42
Kapittel 8: Melding frå Rådet	44
Kapittel 9: Bunadsnemnda	45
Kapittel 10: Eigenlutar	
10.1 Bunadar	46
10.2 Andre eigenlutar	47

1. MELDING FRÅ STYRET

2023 var på mange måtar eit unntaksår – med positivt forteikn. Me begynte å sjå konturane av det allereie hausten 2022, men i året som gjekk slo me den eine rekorden etter den andre. Med over 400 unike personar innom tysdagsøvingane, og skjeldan færre enn 40 på øving, har styret hatt meir enn nok å gjere.

Det er ei folkedans-bølgje i Oslo om dagen, ei bølgje me vonar vil skylle over resten av landet òg. Det går godt hos både oss i Leikarringen, men òg for Frøy, Hallinglaget, Folkemusikkpøbben og Riksscenen (særleg Tuvas Blodklubb). Me opplever alle saman ei positiv utvikling, og me er alle flinke til å snakke kvarandre opp. Og nettopp det er nok noko av grunnen til at ting går så bra som det gjer.

For styret har mykje av arbeidet handla om å tilpasse oss ein ny situasjon på øvingane. Med fleire tilstades og mange nye kvar veke har me måtte innføre nye rutinar. Mellom anna er pause-maten og vatn flytta ut i foajeen.

Det er òg innført registrerings-”skranker” i foajeen slik at me får registrert alle som kjem. I august begynte me med to ulike ”skranker” – ein for medlemmar og dei som har vore på øvingar før, og ein for dei som kjem for første gong. Dette har òg ført til fleire medlemmar, og at fleire ikkje-medlemmar betalar fotskatten for å få vere med.

På tysdagsøvingane er det no mange heilt ferske dansarar kvar veke, me ønskte difor å gi eit ekstra tilbod til dei faste dansarane våre og starta difor opp Framsyningsringen på hausten. Frå 2024 har me òg begynt med grunnkurs ein halvtime før ordinær øving for dei aller ferskaste.

Med stadig meir å gjere på øvingane har styret gått frå å ha éin styreansvarleg pr. øving til to.

Simon bur framleis i Tyskland, og hausten 2023 flytta Herborg til Trøndelag. Tone har òg vore mykje utanbys etter sommaren på mange ulike turnéar. Styremøta har difor alltid vore halv-digitale gjennom heile året. Særleg på hausten betydde dette at dei Oslo-faste styremedlemmane fekk ekstra mykje ansvar for tysdagsøvingane.

I løpet av hausten prøvde styret å sette i gang tiltak for å få fleire medlemmar til å bidra i arbeidet. Det har òg blitt vurdert tilsettingar for å hjelpe på arbeidsmengden. Saman med Rådet har det blitt gjort eit større arbeid med å spesifisere oppgåvene til styret og kva me evt. kan få frivillige eller innleigde til å hjelpe til med. Det er mange gode ressursar i Leikarringen, og dei fleste er flinke til å svare ja når dei blir spurt. Men det er vanskelegare å få medlemmar til å ”melde seg til teneste” på eige initiativ.

Alt i alt har 2023 vore eit sterkt år for Leikarringen, og trass ein god del meir arbeid enn styret kanskje såg føre seg når me takka ja til verva våre så har det vore eit utruleg morosamt arbeidsår. Tenkt å få lov til å vere med når folkedansen er i vinden som aldri før.

Leikande helsing,
Styret

1. MELDING FRÅ STYRET

1.2 ØKONOMI

Styret har i året som har gått vald å aktivt bruke LR-midlar til å skape auka aktivitet og ei kjensle av tilknytning til ringen. I all hovudsak har desse midla gått til fellesaktivitetar og stønad til medlemmar som ønskjer å reise på ulike kurs eller arrangement. Dette har styret sett som ei viktig faktor for å auke samholdet i gruppa, og til å inspirere enkeltmedlemmar til å fordjupe seg i folkedansen. Auka kompetanse mellom medlemmane gir òg auka glede på tysdagsøvingane.

På inntektssida har me hatt ei auke i inntekt frå oppdrag og tilskot. Med ei stabil kjernegruppe i ringen har vi igjen kunne teke på oss inntektsgjevande oppdrag for blant anna Senterpartiet og Sommerskolen på UiO.

Auka i tilskot kjem frå ei auka mengde av vaksenopplæringsøknadar, som nå òg blir gjort på vegne av Framsyningsringen, Myretrill og Søndansen. Trass ei markant auke i utgifter, har ei auke i inntekter og bankrenter resultert i ei knapt underskot for året 2023.

I år som i fjor har ringen fått inntekter frå Grasrotandelen. I 2023 hadde me fire spelarar, noko som gav ein inntekt på kr. 1 259,71



1. MELDING FRÅ STYRET

1.3 BLESTARBEID

Godt blestarbeid er mellom suksessfaktorane for at stadig nye dansarar finn fram til Rosenkrantz' gate 8 på tysdagane. Leikarringen har fire hovudkanalar me brukar for å nå ut med informasjonen vår. I tillegg er jungeltelegrafan ein viktig kanal for oss, sjølv om me vanskeleg kan styre den. Som lova i arbeidsplanen har det blitt utarbeidda ein enkel profilhandbok for Leikarringen.

Nettsida

Nettsida har blitt oppdatert i all hovudsak to gonger i året når vår- og haustprogrammet blir publisert. I samband med desse publiseringane har styret òg gått gjennom sidene for å sjå om alt er oppdatert som det skal.

Nytt av i år er at me òg legg ut protokollar frå styremøta våre på nettsida. Dei etiske retningslinjene som er vedteke for BUL peiker på behovet for openheit, og med dette tiltaket håpar me medlemmane får betre innsyn i styrets arbeid gjennom året.

Nyhendebrev

Styret sende ut 16 nyhendebrev i løpet av 2023. Ein gong i månaden sender me ut eit generelt nyhendebrev om kva som skjer i den komande månaden, i tillegg sender me ut spesial-brev når det er viktig informasjon som må ut til medlemmane.

Frå april gjekk me over til Mailchimp for utsending av nyhendebrev. Med nytt system kunne me utforme breva på ein heilt anna måte, og håpar medlemmane syns omlegginga har gjort det betre å lese breva våre.

Facebook

Facebook brukar me først og fremst til å lage hendingar (events) slik at folk kan lese om dei ulike øvingane og festane våre, og legge dei til i kalenderen sin. Me har òg delt litt ulik info på sida vår.

I tillegg til facebook-sida har me fleire grupper som blir brukt til å dele informasjon med medlemmane. I hovudgruppa – Leikarringen ❤️ – har me òg brukt den nye samtale-funksjonen for at medlemmar kan kontakte kvarandre om å dra på konsertar og dansefestar, filmkveldar, brettspelkveldar, kinoturar o.l. På denne måten kan nye medlemmar enklare få “innpass” i dei sosiale tilstelningane medlemmane sjølv står for.

Instagram

Nesten utan unntak har me lagt ut minst éin historie på Instagram på kvar øving. Her viser me ein liten filmsnutt, og skriv kort om kva temaet har vore og evt. kor mange som er på øvinga. Desse historiane har me fått fleire gode tilbakemeldingar på både frå medlemmar, og frå andre danselag i Noreg og Norden som blir inspirert av å sjå kvardagen i Leikarringen.

1. MELDING FRÅ STYRET

1.3 SAMFUNNSENGASJEMENT

Det er ikkje ofte Leikarringen meiner noko om andre ting enn folkedans og bunad, men som ein del av den frilyndte ungdomsrøsla har me alle eit samfunnsengasjement i tillegg til vårt faglege engasjement for folkekulturen vår.

I oktober 2023 sende Noregs Ungdomslag ut ei oppmoding til alle sine lag og medlemmar om å signere eit opprop om umiddelbar våpenkvile på Gaza-stripa.

Oppropet ba om:

1. Tilrettelegging for levering av livreddande hjelp inkludert mat, medisinsk utstyr, drivstoff og gjenoppretting av straum og internett til Gaza, i tillegg til trygg passasje for humanitært og medisinsk personale.
2. Frigjering av alle sivile gissel, særleg barn og eldre.
3. Tillate humanitære konvoiar til FN-anlegg, skular, sjukehus og helsestasjonar i nordre Gaza, og tryggleik for sivile og personale i desse bygga.
4. Tilbakekalle ordren frå Israelske styremakter om at sivile må forlate nordre Gaza.
5. Tillate pasientar i kritisk tilstand å bli evakuert for umiddelbar hjelp.

Styret i Leikarringen valde å følgje oppmodinga og signerte oppropet.




2. MEDLEMMAR

2.1 TAL OG UTVIKLING

Pr. 31.12.2023 hadde Leikarringen 222 medlemmar i alderen 0 til 90 år. Dette er ei auke på heile 59 medlemmar samanlikna med 2022. Me fekk 79 nye medlemmar i Leikarringen i 2023. Antalet honnørmedlemmar har auka frå 24 til 28.

Ruth Amdahl og Edvard Lauen er heidersmedlemmar i hovudlaget.



Utvikling dei siste 10 åra:

2023	2022	2021	2020	2019	2018	2017	2016	2015	2014
222	163	144	143	140	128	104	114	112	98

2. MEDLEMMAR

2.2 UTDELING AV HEIDERSMERKE

§12 – Heidersmerke

Leikarringen har eit heidersmerke som vert delt ut etter samrøystes vedtak i styremøte der heile styret må vere med.

Rettesnor for utdeling av heidersmerke:

- Leiar i tre år og gjort godt arbeid.
- Rettleiar og framsyningsdansar i fem år og gjort godt arbeid.
- Aktiv framsyningsdansar i minst ti år og i tillegg teke del i andre aktivitetar som fremjar føremålet til Leikarringen, t.d. styrearbeid i ringen eller hovudlaget, nemndarbeid, musikk, o.l.
- Styret kan i særskilde høve dele ut merke til medlemmer som fell utanom dei tre første punkta i desse føresegnene.

I samband med Lønningspolsen og Leikarringens årssdag 14. november 2023 blei Leikarringens heidersmerke delt ut til:

- Rune Bergwitz
- Klas Ekeland
- Anne Cathrine Johansen

dette fekk dei for lang og trufast innsats for Leikarringen og for BUL, særleg i hyttestyret for Bondehytta der dei har vore med i minst 20 år kvar.



2. MEDLEMMAR

2.3 SØKNADAR

Leikarringen ønskjer at så mange som mogleg aukar eigen danse- og organisasjonskompetanse, og sender difor medlemmar på kurs når dei søker om støtte.

Desse har fått innvilga reise- og kursstøtte i 2023:

- Astri Andrea Hernes Bjerkem (Bergenstur)
- Elias Vinje (Grunnleggande instruktørkurs, Ørsta)
- Elise Thomassen (Grunnleggande instruktørkurs, Ørsta)
- Gunnar Rogneflåten (Seminar om dans som immateriell kulturarv, Røros)
- Hedda Hernes (Bergenstur)
- Hedda Hernes (Seminar: Pedagogisk påfyll Folkemusikk og Folkedans)
- Håkon Busk (Bergenstur)
- Ingeborg Revheim (Bergenstur)
- Maissenc Bennour-Ferrari (Bergenstur)
- Nina Losnedahl (Bergenstur)
- Oda Hernes (Hilmar Ung, Steinkjer)
- Runhild Heggem (Instruktørkurs turdans, Skjetten)
- Sigurd Skogdal (Bergenstur)
- Synnøve Bryde (Bergenstur)
- Tilia Paasche-Aasen (Bergenstur)

3. DANSEGRUPPENE

3.1 LEIKARRINGEN

Aldri har det vore så stor oppslutnad om øvingane våre på denne sida av årtusenskiftet.

Året begynte godt med 43 dansarar på første øving, og stadig gjennom våren skulle me bli overraska over godt oppmøte. Det heile toppa seg med 17. mai-øvingane når me hadde høvesvis 125 og 119 dansarar på øving i Teatersalen. Av dei vanlege øvingane var det vårens siste med Kjøk-søstrene som instruktørar som blei den mest populære med 73 dansarar i salen. I snitt var det 48 dansarar kvar veke om me ikkje tel med dei to 17. mai-øvingane.

Der våren begynte sterkt, så begynte hausten over all forventning med 62 stk. på øving. Den mest populære øvinga var Vegar Vårdal si øving når me hadde 76 dansarar i salen. I snitt var det 54 dansarar kvar veke., og berre éi øving hadde færre enn 40 dansarar. Då var det 39 stk.

Med gode rutinar på registrering har me fått betre statistikk på oppmøte enn tidlegare, og i 2023 har me registrert 407 personar innom tysdagsøvingane. Sjølv om hovudtyngda er i 20-åra, har det vore dansarar i alle aldre innom øvingane våre. Den eldste var 76 år, og den yngste knapt 2 månader gamal.

Omlag halvparten har berre vore på éi øving, men samtidig har omlag 40 medlemmar vore på minst halvparten av øvingane. Så sjølv om det er stort gjennomtrekk føler me at me har ein god kjerne som kjem ofte.



Gruppefoto frå sommarfesten 6. juni

3. DANSEGRUPPENE

3.2 BULDER OG BRAK

Våren 2023 dansa me mykje i dansesalen på DNT. Me hadde gjesteinstruktørar som Håkon Odden og Eilif Hellum Nordaker på besøk.

Då våren kom for fullt var me masse i slottsparken og øvde, då det var varmt og godt i lufta, og me kunne danse barføtt på graset.

Som alltid var det ei oppleving å få være med den 17.mai Der me var spydspissen i toget. Seinare deltok me på Landskappleiken, og stilte med eit senior-lag av Bulder dansarar som har blitt store, men som alle har vore innom Rosenkrantz gate på eit eller anna tidspunkt. Me vann.

Sumaravslutninga fann stad i Vigelandsparken der det ble leik, grilling, kubb, fotball og sjølsagt Halling.

Hausten 2023 har vore eit BULder år fylt med dans, leik og spenning. Ånund Meberg Myhren og Sikia Heien har vore instruktørar.

Me har delteke på Det Norske Teater i samband med Bygdedans-stafetten under Bygdelags-Samskipnadens 100 års jubileum.

I laupet tå hausten har me jobba aktivt med lausdans, og hatt mang ei god halling-økt med hælslag, rundkast og hovestift.

Me har fått etablert ei fin gruppe engasjerte barn og unge i BULder og brak, sers det siste halvåret. Me er blitt omlag 11 dansarar i gruppa, og stolte er me av det! Målet er å halde frem med å engasjere, inspirere og være ei trygg plass der me kan trene Halling i lag.

Ånund Meberg Myhren
2. februar 2024

3. DANSEGRUPPENE

3.3 TRØBUL

I 2023 hadde Trøbul 4–7 medlemmer, og instruktør var Oda Sofie Johannesen Hernes.

Gjennom året har Trøbul hatt faste øvingar ein gong i veka. Øvingane har fokusert på å lære nye dansar, øve på teknikk og ha det moro saman. I 2023 deltok òg nokre av gruppa sine medlemmer på kappleik med Leikarringen og på BLS sin jubileumsforestilling på Det Norske Teateret.

Gruppa har hatt godt samhald og god atmosfære. Vi har lært av kvarandre og hatt det moro med å danse saman.

Frå hausten 2023 blei gruppa sjølvstyrt, i den forstand at dei fekk eigne pengar til å råde over som dei sjølv ville. Dei ordna eigne instruktørar, øvingstema, sosiale tilstellingar m.m. Tilia Hernes Paasche-Aasen har fungert som kontaktperson for gruppa.

Etter initiativ frå gruppa blei TrøBUL lagt ned ved årsskiftet grunna lågt deltakartal og dårleg rekruttering. Dansarane held fram på dei ordinære tysdagsøvingane, og deltek òg på URA-samlingar, Bølingen, BLS Ung m.m.

Tilia Paasche-Aasen Hernes
2. februar 2024

3.4 SONGDANSGRUPPA

Songdansgruppa i Leikarringen har hatt øving kvar øvingsdag i Leikarringen frå 18.00 til 19.20. Hovudtyngda av songdansar har vore balladane.

På våren har songdansgruppa hatt fokus på «Falkvor Lommannsson» med mål å få dansa den på bygdøystemnet. Vi vart ikkje mange nok til eit fullt oppsett, men nokre av oss dansa med leikarringen i BUL Kongsberg.

Fram mot stordanskvelden 2024 var programmet for hausten St Olavs kappseilas. Vi restituerte 24 vers ut frå om lag 50 og brukte NRK-opptak frå 1973 med Lillebjørn Nilsen og Hege Tunaal som mal.

Frammøtet har vore om lag 8 personar.

Planar for 2024: Fram mot stordanskvelden i 2025 vil vi ha fokus på Ormen lange. Fram mot Nordlek vil vi øve på Ved Kristiansand.

Gunnar Rogneflåten
1. februar 2024

3. DANSEGRUPPENE

3.5 SØNDANSEN

SØNDANSEN hadde ni gode samkomer i 2023. Vi samlast om lag ein søndag i månaden og held på i tre timar. 20 dansarar har vore med på øvingane dette året og det møter om lag åtte par kvar gong. Spelemann for gruppa er Hans Petter Holen og rettleiar er Folke Flateland. Båe har gjort dette sidan Søndansen starta hausten 2000.

Vi dansar som før mykje kontradans og balldansar frå det norske tilfanget, vi arbeider med dansestil og set dansane inn i ein kulturhistorisk samanheng. Det er med stor glede vi også tar i bruk det nye norske dansetilfanget som er rekonstruert og publisert dei seinare åra. Vi legg også vekt på det sosiale med litt allsong og ein god prat til kaffien.

SØNDANSEN er eit tilbod til dansarar i Leikarringen og BUL som vil danse meir enn dansen på tysdagane, eller som ikkje har høve til å vere med då. Det er triveleg om fleire finn vegen til SØNDANSEN i Lagsrommet i Rosenkrantzgate.

Asker, 7. januar 2024
Folke Flateland

3.6 MYRETRILL

Myretrill har hatt eit godt år meg høg aktivitet og mange fine dansarar. Det har vore meir enn tretti personar innom øvingane i løpet av året. Stort sett er øvingane utan instruktør, utanom éi øving då Eilif Noraker var instruktør. Det har vore organisert opplæring i halling for nye dansarar dei første minutta av øvingane. Dette går me bort frå i 2024.

Våren 2023 fekk me besøk av ein bulgarsk folkedansgruppe der dei fekk lære halling, og dei fekk vist fram nokre av sine dansar.

Grunna romlogistikk var det éin onsdag i vår-semesteret me inviterte til Myre**grill** i staden for vanleg øving. For å avslutte sommarsemesteret inviterte me til Myre**chill**.

I feriane har me hatt pop-up-øvingar til stor glede for dei som har byferie.

Det var eit sterkt ønskje om å stille i lagdansen på Oslokappleiken, men me fekk diverre ikkje samla nok dansarar. Men me prøvar på nytt i 2024.

I desember drog Myretrill på Det Norske Teatret for å sjå teaterstrykket Heil Ved.

Elise Birgitte Haugsten Thomassen
12. februar 2024

3. DANSEGRUPPENE

3.7 FRAMSYNINGSRINGEN

Framsyningsringen starta opp som eit nytt tiltak hausten 2023. Føremålet var å gi dei faste dansarane våre eit utvida tilbod der dei kunne få prøve seg på andre ting enn det me kan på tysdagsøvingane. Det har òg vore eit mål for styret å bygge opp ein større gruppe dansarar som kan ta på seg framsyningsoppdrag som kan gi inntektar til ringen.

Haust-semesteret hadde som fokus å bygge opp eit kjernerepetoar av dansar, og begynne å lære å lage framsyningar. Det har i snitt vore mellom 10 og 12 dansarar på øvingane. Torbjørn Bergwitz Lauen har vore hovudansvarleg for gruppa. Men det har vore fleire ulike instruktørar innom. Tone Ingvaldsen hadde første øving, Torill Schinstad og Marianne Dahl hadde éi øving om dans på scenen, og Vegar Vårdal har vore instruktør på 3 øvingar med fordjuping i dansaranes eigen dans og kropp.

15. november kom Torunn Riise på besøk som instruktør, med Vegar Vårdal som musikal. Då fekk me lære fleire Christiania-dansar som blei filma av Thor Hauknes. Filmane blir ein del av ei utgjeving som kjem i 2024, ei utgjeving Dag Vårdal begynte på og som Torunn no gjer ferdig.

På juleavslutninga 12. desember synte ringen fram noko av det dei hadde lært i løpet av hausten.

Torbjørn Bergwitz Lauen
1. februar 2024



Illustrasjonsfoto frå 2024

4. FRAMSYNINGAR

28. januar: Folkemusikktreffen i Vågå

11. februar: Opningskonserten av Folkorg sitt 100årsjubileum

BULder og brak bidro med eit innslag på konserten.

14. mars: Mottaking på Rådhuset i høve BLS sitt 100årsjubileum

26. april: Bunadsfest i Teatersalen

For å feire at den norske bunadsbruken er innstilt til UNESCO si verdarvliste over immateriell kulturarv skipa Noregs Ungdomslag m.fl. til stor bunadsfest i Teatersalen.

Kronprinsesse Mette Marit var heidersgjest, og Leikarringen bidrog med ei framsyning av turdans, songdans og bygdedans. I tillegg leia med hele festlyden i ein åttetur frå Asker.

17. mai: Ensjøtunet og Marienlyst skule

Tradisjon tru hadde Leikarringen framsyning på Ensjøtunet på 17. mai. Det som ikkje var så tradisjonelt var ein lett improvisert framsyning på Marienlyst skule etter at ein lærar hadde gått forbi hagen der me åt lønsj og dansa.

4. juni: Bygdøystemnet – Finnskogspols og Kørdsans frå Grue

12. juli: Sommarskulen UiO – “Norway Night”

Framsyning og danseopplæring for internasjonale studentar ved UiO.

28. oktober: Jubileimsframsyning BLS 100 år på Det Norske Teatret


Både TrøBUL, BULder og brak og Leikarringen deltok med innslag, koreografert av Vegar Vårdal. I tillegg deltok me i bygdedansstaffetten med Finnskogspols og Vestlandsspringar.

Marianne Dahl og Torill Schinstad tok òg initiativ til ein eigen turdansframsyning, og fekk med seg ein gjeng medlemmar som hovudsakleg ikkje er så aktive på tysdagane lenger.

Heile framsyninga blei ein gedigen suksess!



Turdans-gjengen



BULder og brak

5. TILSKIPINGAR

5.1 YMSE TILSKIPINGAR

14. mars – BLS 100 år!

Jubileumsåret til fylkeslaget vårt begynte med ei stor mottaking på Rådhuset 14. mars, med påfølgjande fest i Teatersalen etterpå. Det var Leikarringen som var teknisk arrangør, og me venta storinnrykk. Over 200 på dans er ikkje kvardagskost, men med god hjelp frå mange dugnadsinnstilte medlemmar gjekk alt som smurt.

Sommaravslutning 6. juni

Som vanleg tok me turen til Vigelandsparken for å avslutte vårsemesteret. Det var stort oppmøte, og me både grilla og dansa.

Hyttedans 27. august

Som ein triveleg start på haustsemesteret inviterte styret til hyttedans på Bondehytta. Men grunna uvêr og mykje regn var det ingen tog som gjekk. På kort varsel endra me difor reisemål, og det blei ein hyttetur til Røkleivhytta i staden for. Det er lenge sidan Leikarringen har vore på tur hit, og me fekk eigen guide frå hyttestyret som viste oss veg og kunne fortelje oss både det eine og det andre om hyttas lange historie medan me vandra gjennom skogen. Det blei både dans, brettspel og vaflar på hytta før me reiste heim att.

Lønningpols 14. november

På sjølve årsdagen til Leikarringen inviterte me til Lønningpols att, og det blei både bursdagskake og dans til Bærum spelemannslag. Ca. 125 personar tok turen til Teatersalen denne kvelden. I tillegg til dans og song fekk hyttestyret for Bondehytta ha ein presentasjon om hytta. Tre av hyttestyrets medlemmar fekk òg utdelt Leikarringens heidersmerke denne kvelden.

Juleavslutning 12. desember

Årets juleavslutning hadde styret nesten ingenting med å gjere. TrøBUL hadde fått oppgåven med å planlegge og gjennomføre festen, og med Tilia i spissen greidde dei det med stor suksess! Det blei både dans, kviss og pepparkakar. Framsyningsringen fekk vist seg litt fram, og elles var det god stemning. Ei gild avslutning på eit fantastisk år.

5. TILSKIPINGAR

5.2 HURRA FOR 17. MAI

Førebuing

Den store interessa for å vere med Leikarringen på 17. mai i 2022 gjorde at styret peikte ut ein eigen hovudansvarleg for førebuinga og gjennomføringa av tilskipinga i 2023. Hallvard Øfstaas som hadde ein stødig hand på rattet i 2022 fekk oppdraget òg i 2023, sjølv om han gjekk ut av styret i februar.

Øvingane

Det blei sett av to tysdagar til 17. mai-øvingar, og som før hadde Vegar Vårdal og Solveig Brekke Hauknes takka ja til å vere instruktørar på øvingane og danseleiarar på Karl Johan. Sjølv om me trudde me var førebudde på godt oppmøte, så blei me heilt overvelda av kor mange som meldte seg på. 125 personar var med på første øving, og 119 på den andre. Teatersalen var heilt full av folk, men Vegar og Solveig greidde å lose oss gjennom øvingane på meistarleg vis.

Dans på Karl Johan

I den offisielle påmeldinga var det i underkant av 136 påmeldte til å danse på Karl Johan, og 30 påmeldte til å vere med i følget bak. Men ei telling på veg opp Slottsbakken synte at me truleg var nærmare 150 dansarar. Kor mange som var med i vårt følgje opp til Slottet var òg ein del meir enn det som eigentleg var påmeldt. Godt var det at Slottet ikkje insisterte på innsendte namnelister på førehand slik dei gjorde i 2022!

Framsyingar

Framsying på Ensjøtunet blei òg i år. Elise Tegnér spelte. Etter framsyinga var det tradisjon tru hyggeleg samvær med kaffi og kake. Takk til Astrid Skindro for god organisering.

Nytt av året var ein spontan framsying på Marienlyst skule. Sigrid Smolan hadde invitert til mat og dans heime hos seg mellom dansinga på Karl Johan og Brusteinsballet, og i det fine vêret kunne me vere ute i hagen kor det blei både spel og dans. Ein av arrangørane av 17. mai-tilskiping på Marienlyst skule, som lå berre nokre få minutt unna, gjekk forbi og lurte på om me kunne danse litt for dei. Både musikarar og dansarar var villig innstilt, og det blei dansa både Finnskogspols og Rørospols for dei frammøtte på skulens 17. mai-tilskiping.

Brusteinsball

Medlemmar frå Leikarringen hjalp til med å rigge og som medhjelparar og meddansarar under Brusteinsballet på Universitetsplassen. Vegar Vårdal leia dansen, og Åsmund Reistad og Olav Christer Rossabø spelte. Det var godt oppmøte på denne dansefesten, som truleg er den arenaen i Noreg kor flest folk får møte norsk folkedans for første gong.

6. TURAR

VÅGÅ-TUR 27.-29. JANUAR

Vågå spel- og danslar tok kontakt med Leikarringen hausten 2022 om ikkje me hadde lyst til å kome på Folkemusikktreffen deira i 2023, og det ville me sjølvsgt. 14 medlemmar tok turen, og Vågå spel- og dansarlag betalte både for inngangspengar og overnatting på Nordigard Blessom!

Laurdagen dansa me Finnskogspols på scena som del av mønstringa, og elles hadde me det særst gildt og fekk dansa mykje!

Desse deltok på turen:

Svein Are Sirirud Vatnehol, Rita Sirirud Vatnehol, Elise Thomassen, Ånund Myhren, Isa Holmgren, Nikolai Storevik, Tone Ingvaldsen, Astri Andrea Hernes Bjerkem, Hilda Taklo, Hallvard Øfstaas, Torbjørn Bergwitz Lauen, Sigurd Skogdal, Emma Bakke og Nina Losnedahl. *I tillegg har Leikarringen fleire medlemmar som er fastbuande i bygda som òg var med på festen.*



6. TURAR

LANDSKAPPLEIKEN I LOM 21.-25. JUNI

I juni drog Leikarringen nok ein gong oppover Gudbrandsdalen, og no var målet Lom og Landskappleiken.

Reisa gjorde me kvar for oss i større eller mindre grupper, men vel framme budde dei fleste på felles klasserom.

Rekner me med rubbel og bit av Leikarringsfolk var me vel mellom 40 og 50 stk. på kappleik. Mange tevla, men langt frå alle.

Resultata kan du lese meir om i kapittel 9.

På biletet:

Foran f.v.: Runhild Heggem, Gyda Gaarder Tøraasen, Rita Sirirud Vatnehol, Elise Tegnér, Tone Ingvaldsen, Synnøve Bryde, Sunniva Sofie Christensen, Ånund M Myhren, Ingeborg Revheim, Anbjørg Myhra Bergwitz

Midten f.v.: Torbjørn Bergwitz Lauen, Svein Are Sirirud Vatnehol, Hilda Sofie Løken Taklo, Sigrid Kjøbli, Hanna Løken, Maissenç Bennour-Ferrari, Triinu Piirsalu, Signe Carlin, Alice Mathis, Josefine Berthelsen Totland, Eva Fischer, Nina Losnedahl, Astri Andrea Bjerkem, Vilde Amalie Kallander

Bak f.v.: Isa Holmgren, Nikolai Storevik, Cecilie Fredheim, Oddbjørn Oma, Hedda Hernes, Ingrid Skrindo, Vemund Olav Aukrust, Hallvard Øfstaas, Aleksander Breiby Herseth



6. TURAR

BERGENSTUR 13.-15. OKTOBER

I høve Folkorgs 100årsjubileum var det ein gjeng frå Leikarringen som drog til Bergen i oktober. Vestlandskappleik, dansefest og jubileumskonsert i Grieghallen stod på programmet. Lagshytta på Eidsholmen fekk me låne av Bergen ungdomslag Ervingen. Me deltok på kappleiken, og resultatet kan du lese om i kapittel 9.

Desse deltok på turen:

Bak: Marta Lindvik, Solveig Brekke Hauknes, Janis Ann Hofmann, Ingeborg Revheim, Maissenç Bennour-Ferrari, Tilia Hernes Paasche-Aasen, Hedda Hernes, Sara Sneltorp, Vilde Kallander, Signe Carlin, Astri Andrea Hernes Bjerkem, Torbjørn Bergwitz Lauen, Nikolai Storevik, Nina Losnedahl

Foran: Elise Tegnér, Håkon Busk, Sigurd Skogdal, Hallvard Øfstaas, Brage Planke



7. KAPPLEIK

7.1 LANDSKAPPLEIKEN

Lagdans senior

Det var mange medlemmar som deltok i årets lagdans. Leikarringen sjølv stilte med to lag à 8 par. I tillegg stilte BULder og brak senior. Eit nytt deltakarlag av året – Youngsters – bestod òg stort sett av noverande og tidlegare Leikarrings-medlemmar.

BULder og brak senior vann heile klassa med 90 poeng, og Youngsters kom på 3. plass med 87. Leikarringens lag 2 kom 14. plass med 77 poeng, og lag 1 kom på 17. plass med 73 poeng.

Som vanleg var det fleire medlemmar som deltok med andre lag og grupper i lagdansen i tillegg til å danse med Leikarringen.

Danse Fele A

Solveig Brekke Hauknes og *Ole Nilssen* – Pols frå Østerdalen
Vegar Vårdal med *Kjærsti Gangsø* – Nordlandspols
Rita og Svein Are Sirirud Vatnehol – Springdans frå Nordre Sunnmøre

Dans Fele B

Tone Ingvaldsen med *Snorre Kristiansen* – Nordlandspols – opprykk til A
Signe Dorthea Krohn Gjessing og Torbjørn Bergwitz Lauen – Finnskogspols
Nikolaj Bo Fischer Nielsen med *Ingeborg Solheim-Allen* – Finnskogspols
Ingrid Skrind og Lynn Ossege – Rørspols

Halling A

Jon Bugge

Halling B

Nikolai Bo Fischer Nielsen – første napp
Vebjørn Jøtun Fauske
Eilif Hellum Noraker
Ånund Meberg Myhren

Munnharpe senior

Jon Bugge
Ånund Meberg Myhren



Leikarringen – lag 2

Fele B

Runhild Heggem
Henrik Kamphus

Hardingfele C

Kjetil Meberg Myhren

Vokal B

Isa Holmgren – vinnar av klassen og opprykk til A
Signe Dorthea Krohn Gjessing
Dordi Boksasp Lerum

Open klasse

Vegar Vårdal – som del av gruppa Gjevre, Odde og Vårdal



Leikarringen – lag 1



BULder og brak senior
Foto: Thor Hauknes

7. KAPPLEIK

7.2 LOKALE KAPPLEIKAR

Oslokappleiken 30. september

Lagdans

Leikarringen stilte med overfylt lag i lagdansen (1 par meir enn me eigentleg har lov til), og klinka til med førsteplass i klassen med 69 poeng. Me dansa sjølvstekt finnskogspols og Elise Tegnér spelte.

Mange av ungdomane våre dansa Sørlandsspringar med Bølingen. Elles deltok medlemmar saman med fleire av dei andre laga òg.

Dans Fele, senior

Det var berre medlemmar frå Leikarringen som deltok i denne klassen i år:

Signe Dorthea Krohn Gjessing og Torbjørn Bergwitz Lauen – Finnskogspls

Lynn Ossege og Hallvard Øftaas – Østerdalspols

Maissenç Bennour-Ferrari og Brage Planke – Rørospols

Halling, senior

Vebjørn Jøtun Fauske

Brage Planke

Durspel, senior

Vebjørn Jøtun Fauske

Spel hardingfele, senior

Kjetil Meberg Myhren

Vestlandskappleiken 13.-14. oktober

Leikarringen deltok i lagdansen med finnskogspols, og Elise Tegnér spelte. Då me ikkje kom frå eit vestlandsfylke fekk me vår heilt eigen klasse: *lagdans senior gjest*. Der var me åleine i klassen og fekk 76 poeng. Vinnaren av den vanlege lagdans-klassen fekk 66 poeng.

Nikolai Storevik deltok i spel hardingfele senior.

8. MELDING FRÅ RÅDET

Rådet i Leikarringen har etter årsmøtet i Leikarringen 28. februar 2023 hatt denne samansetjinga:

- Vald i 2022: Audun Grüner-Hegge og Rune H. Bjerke
- Vald i 2023: Anbjørg Myhra Bergwitz, Solveig Brekke Hauknes og Hallvard Øfstaas

Rådet har hatt to møte i 2023; 19. april og 16. oktober. Anbjørg Myhra Bergwitz har vore ordførar og Rune Hernes Bjerke skrivar i denne valperioden. Styreleiar Torbjørn Bergwitz Lauen har delteke på møta.

Rådet si hovudoppgåve er å «vere til hjelp for styret i arbeidet med å fremje føremåla til Leikarringen» (jf. styringsføresegnene § 8). Rådet har handsama desse sakene i dei to møta:

- Konstituering
- Presentasjon av styret og stoda i Leikarringen med planar for 2023 og 2024
- Den store arbeidsmengda i styret i Leikarringen

Det siste temaet blei handsama i både møta. Med utgangspunkt i ei god drøfting i det siste rådsmøtet, blei det sett ned ei arbeids-gruppe som skal arbeide vidare med alternative løysingar. Rådet meiner det er viktig at styret definerer tydeleg kva oppgåver ein treng hjelp til, og rår til at ein fordeler fleire oppgåver på medlemmer utanfor styret.

Bærum, 7. februar 2024

For Rådet i Leikarringen
Rune Hernes Bjerke

9. BUNADSNEMNDA

Nemnda har i meldingsåret vore samansett av: Åse Wethal Holen, Sigrid Kjøbli og Anne Cathrine Johansen.

Som vanleg har nemnda veileda om bunadbruk til 17. mai, og andre større hendingar. Til 17. mai vart nesten alle bunadar Leikarringen eig lånt ut, pluss at nemnda formidla kontakt så nokre kunne låne av kvarandre.

Vi veileda også litt i forkant av BLS jubileet på hausten. Det har blitt kjøpt inn ein del småting i året som gjekk: Strykebrett, strykejern, ullstrømper, bukseseler og nokre rimelige søljer.

For Bunadnemnda

Anne Cathrine Johansen

2. februar 2024



Flotte bunadar på Karl Johan, 17. mai 2023 (Foto: Thor Hauknes)